



3. januar 2010

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

Ilinniarititaanermut Ilisimatusarnermullu Naalackersuisup UKA2009/21-mut

akissutigisimasaa aallaavigalugu apeqquqit imaattut apeqquqitigerusuppakka:

- 1. Pitsaassutsimik Nutaaliornermillu siuarsaaneq pillugu siunnersuisoqatigiinniit qanoq siunnersuisoqarsimava?**
- 2. Nunani tamalaani tunngaviit akuerisaasut malillugit atuartitsinermik aaqqisuussaasumik naliliinernik suliaqarnissaq sumut killippa? Ukioq ataaseq sinnermaga Naalackersuisup UKA2009/21-mut akissuteqarneraniit, naatsorsuutigillu-innarlugulu ilimagilluinnarpara naliliisoqarsimassasoq. Taanna ilanngussatut nas-siutsikkusuppara.**
- 3. Ilisimatusarfimmi nunani tamalaani uuttortaatit nunanilu tamalaani pitsaas-suseritinneqartut naapertorlugit piginnaasaqarfiulersinneqarnissaata sulissutigi-neqarnera sumut killippa?**

(Inatsisartuni ilaasortaq Niels Thomsen, Demokraatit)

Tunngavilersuut:

Inuiaqatigiittut nassuerutiginiukuupput, inuiaqatigiit ilinniarsimassusaasa tamatigoortumik qaffannissaa tassaasoq aqqut qajannaannerpaajullunilu qularnaannerpaajusoq aningaasarsiornikkut ineriartortitsinissamut atungarissaarnissamullu. Siunertaraarput sulisartutta unammillersinnaasuunissaat. Sulisartugut unammillersinnaalluartautekkumallugit Ilisimatusarfik ilinniarfiillu allat qitiulluinnartuupput.

UKA2009/21-mut akissuteqaammini Naalackersuisoq ilaatigut ima oqarpoq:

”Instituttip ilusaanik nutaanik atuutilersitsinermut peqatigitillugu aqutsineq pillugu inatsimmi §§25 aamma 16 naapertorlugit ”Pitsaassutsimik Nutaaliornermillu siuarsaaneq pillugu siunnersuisoqatigiit”-nnik taaneqartartunik pilersitsisoqassaaq. Siunnersuisoqatigiinnut ilaasortat rektorimit, ilaatigut institutrådimit ilinniarfiiillu



toqqarneqassapput siunnersuisoqatigiinnilu siunertaavoq siulersuisunut, rektoreqarfimmut instituttinilu aqutsisunut il.il. makkununnga suut ikiuutaasinnaaneranik suliatigut naliliinikkut siunnersuisarnissaq:

1) Instituttimi ilisimatusarnermik ilinniartitaanermillu ilisimatusarnermik tunngavilimmik nukittorsaaneq, aamma 2) instituttip inissisimaneranik nunanilu tamalaani ilisimatusarneq ilinniartitaanerlu pillugit suleqatigiinnermi peqataanermik nukittorsaaneq. Kiisalu 3) instituttip ilisimatusarfittut ilinniartittullu Ilisimatusarfimmi siunertanik siuarsaaqataaffiusutut inissisimaneranik nukittorsaaneq.

Tamatuma saniatigut Ilisimatusarfimmi aqutsisut avataanit ilisimasallit peqataaffigisaannik nunanilu tamalaani tunngaviit akuerisaasut malillugit atuartsinermik aaqqissuussaasumik naliliinernik naammassinnialersaarput. Naliliinerni taakkunani aamma ilinniartut, naammassisut, censorit, atuisut ilisimatusartullu naliliinernik ilaqassapput. Aammattaaq Ilisimatusarfiup nunani tamalaani uuttortaait nunanilu tamalaani pitsaassuseritinneqartut naapertorlugit piginnaasaqarfiulersinneqarnissaat sulissutigineqalissaaq. Tamatumunnga atatillugu Ilisimatusarfimmi aqutsisut siusinnerpaamik 2010-mi suleqatigiissitanik nunani tamalaani piginnaasaqarfiit pitsaassusaat sorliit Ilisimatusarfimmut attuumassuteqarnerinik misissuisussanik pilersitsinialersaarput.”

Apeqqutit akeqquneqarput ullut suliffiit naliginnaasut qulit iluanni.